

Ichthyocolla f. **Collapiscium**. *Hauseublase.*

Accipenser Sturio et A. stellatus.

Gluten ex vesica natatoria coëctione extractum, refrigerio in pelliculas condensatum et dein convolutum. Sit alba, tenax, et in aqua facile solubilis.

Kali carbonicum crudum f. **Cineres clavellati**. *Pottasche.*

Massa salina, ex cineribus lignorum per elixivationem et inspissationem parata, et dein leniter usta. Plerumque Kali sulphurico, Kali muriatico et partibus terreis inquinatur.

Kali nitricum f. **Nitrum crudum**. *Salpeter.*

In Nitrariis nostris quidem gignitur, maxima autem copia ex India orientali affertur. Plerumque Kali muriatum, Calcaream et Magnesiam muriaticam continet.

Kino f. **Gummi Kino** f. **Gummi Gambiense**.
Kinoharz.

Arbor Africae interioris, nondum satis cognita.

Massa friabilis, opaca, ex rubro nigricans, aqua solubilis, saporis peradstringentis.

Lacca in ramulis. *Stangenlack.*

Coccus Ficus. Insectum hemipterum Indiae orientalis.

Massa resinoso-ceracea, rubra, fragilis, exsudans super larvas Cocci Ficus, ex ramis Fici religiosae et Indicae. Afferri solet una cum ramulis, quibus adhaeret.

Lapides Cancrorum. *Krebssteine.*

Cancer Astacus. Astacus fluviatilis Fabricii. Insectum apterum.

Concrementa calcarea, texturae lamellosae, superficie, qua ventriculo cancri adhaerent, umbilicata.

Lignum Campechiense. *Campecheholz.*

Haematoxylon Campechianum. Arbor Americae calidioris.

Lignum durum, ponderosum, ex flavo rubrum, saporis adstringentis subdulcis.

Lignum Guajaci s. Lignum sanctum. *Guajakholz.*

Guajacum officinale.

Lignum durissimum, in aqua subsidens, subamarum, odoris grati.

Lignum Juniperi. *Wachholderholz.*

Juniperus communis.

Lignum albidum, resinosum, quod accensum, gratum spirat odorem.

Lignum Quassiae. *Quassienholz, Bitterholz.*

Quassia excelsa.

Lignum albicans, saporis summe amari.

Lignum Sassafras. *Sassafrasholz, Fenchelholz.*

Laurus Sassafras. Arbor Carolinae, Virginiae, aliarumque regionum versus Americam meridionalem.

Radix arboris lignosa, levis, coloris rubicundi, saporis subdulcis, odoris foeniculacei, cortice ferrugineo vestita.

Lithar.

Lithargyrum. *Bleyglätte.*

Plumbum oxydatum semifusum, quod in cupellatione argenti forma squamularum, e rubello flavicantium, obtinetur.

Lycopodium. *Bärlappempulver, Streupulver.*

Lycopodium clavatum. *Muscus in silvis Germaniae frequens.*

Pulvis subtilissimus flavescens, aquam respuens, flammae injectus fulgurans.

Macis. *Muskatenblumen.*

Myristica moschata. *Arbor aromatica insulae Bandae, celebris inter Moluccas.*

Reticulum, Nucem moschatam involvens, pingue, aromaticum, fragrans, coloris e cinnamomeo fusc.

Magnesia sulphurica s. **Sal amarum.** *Bitersalz.*

Sal amarum, Anglicum sic dictum, quod ex ultimo salis marini lixivio paratur, puritate cedit illi, quod ex aqua medicata Saidschützensi obtinetur.

Malthum hordei. *Malz.*

Hordeum vulgare et Hordeum hexastichon. *Gramina annua culta.*

Semina hordei, post primam germinationem siccata.